



Alþingi
Nefndasvið - velferðarnefnd
Kirkjustræti
101 Reykjavík

Reykjavík, 11. nóvember 2022

2210207/0.4.1

Efni: Tillaga til þingsályktunar um gjaldfrjálsar heilbrigðisskimanir.

Tillagan er svohljóðandi: „Alþingi ályktar að fela heilbrigðisráðherra að hefja vinnu við að innleiða heilbrigðisskimun fyrir alla 40 ára og eldri á þriggja ára fresti þeim að kostnaðarlausu. Ráðherra upplýsi Alþingi um framgang vinnu við innleiðingu heilbrigðisskimana á vorþingi 2023“.

Embætti landlæknis tekur undir þau sjónarmið sem fram koma í greinargerð að gefa þarf lýðheilsu og þar með forvörnum og heilsuefningu betri gaum en verið hefur.

Embættið treystir sér þó ekki til að gefa umsögn um þessa tillögu nema betur verði skilgreint til hvaða sjúkdóma skimuninni er ætlað að ná og hvernig ætlunin er að framkvæma hana. Það er nefnilega afar mikilvægt að ráðast ekki í skimun fyrir sjúkdómi nema fyrir liggi gagnreynd þekking á að hún virki. Bæði kosta skimanir mikla fjármuni, þær þurfa umtalsverðar bjargar, m.a. mannafla sem nú þegar skortir á í heilbrigðiskerfinu og loks geta skimanir valdið skaða, t.d. með ofgreiningum.

Virðingarfyllst,

Alma D. Möller landlæknir



Velferðarnefnd Alþingis

Reykjavík, 4. nóvember 2022

Efni: Umsögn Félags íslenskra hjúkrunarfræðinga um þingsályktunartillögu um gjaldfrjálsar skimanir, 148. mál.

Félag íslenskra hjúkrunarfræðinga (FÍH) þakkar fyrir að fá tækifæri til að veita umsögn þingsályktunartillögu um gjaldfrjálsar skimanir og tekur undir þá greinargerð sem henni fylgir.

Í [stefnu Félags íslenskra hjúkrunarfræðinga í hjúkrunar- og heilbrigðismálum](#) kemur fram að hjúkrunarfræðingar eru hryggjarstykkið í heilbrigðiskerfi landsins. Þeir starfa á öllum sviðum heilbrigðisþjónustunnar og gegna veigamiklu hlutverki á öllum stigum hennar. Hlutverk þeirra er margháttað en viðamestu þættir þess eru markviss til að mynda skipulagning og framkvæmd hjúkrunarmeðferðar, heilsuvernd, heilsuefling og forvarnir. Þekking hjúkrunarfræðinga og nálægð þeirra við almenning er grundvöllur markvissra forvarna og heilsueflingar. Fjarheilbrigðisþjónusta og rafrænar lausnir eru virkir þættir í forvörnum, meðferð endurhæfingu og eftirfylgd hjúkrunarfræðinga við skjólstæðinga sinna. Þetta er í samræmi við þriðja heimsmarkmið SP sem og [heilbrigðisstefnu til ársins 2030](#) sem leggur áherslu á fyrirbyggingu sjúkdóma, heilsueflingu og bætta lýðheilsu. Félag íslenskra hjúkrunarfræðinga styður því að gjaldfrjálsar skimanir verði innleiddar, með bættu heilsu landsmanna að leiðarljósi.

Virðingarfyllt,

formaður Félags íslenskra hjúkrunarfræðinga